

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI

KIKAO CHA SITA

06 FEBRUARI, 2018



ORODHA YA SHUGHULI ZA LEO

MKUTANO WA KUMI

KIKAO CHA SITA – TAREHE 06 FEBRUARI, 2018

I. DUA:

II. HATI ZA KUWASILISHA MEZANI:

WAZIRI MKUU:

Taarifa ya Matoleo ya Gazeti la Serikali pamoja na Nyongeza zake yaliyochapishwa tangu Mkutano wa Bunge uliopita kama ifuatavyo:-

- (i) Toleo Na. 44 la tarehe 03 Novemba, 2017
- (ii) Toleo Na. 45 la tarehe 10 Novemba, 2017
- (iii) Toleo Na. 46 la tarehe 17 Novemba, 2017
- (iv) Toleo Na. 47 la tarehe 24 Novemba, 2017
- (v) Toleo Na. 48 la tarehe 01 Desemba, 2017
- (vi) Toleo Na. 49 la tarehe 08 Desemba, 2017
- (vii) Toleo Maalum Na. 10 la tarehe 09 Desemba, 2017
- (viii) Toleo Na. 50 la tarehe 15 Desemba, 2017
- (ix) Toleo Na. 51 la tarehe 22 Desemba, 2017
- (x) Toleo Na. 52 la tarehe 29 Desemba, 2017
- (xi) Toleo Na. 01 la tarehe 05 Januari, 2018
- (xii) Toleo Maalum Na. 01 la tarehe 10 Januari, 2018
- (xiii) Toleo Na. 02 la tarehe 12 Januari, 2018
- (xiv) Toleo Na. 03 la tarehe 19 Januari, 2018
- (xv) Toleo Na. 04 la tarehe 26 Januari, 2018

WAZIRI WA ELIMU, SAYANSI NA TEKNOLOJIA:

Taarifa ya Mwaka na Hesabu za Chuo Kikuu cha Mzumbe kwa mwaka unaoishia tarehe 30 Juni, 2016 (*Annual Report and Accounts of Mzumbe University for the year ended 30th June, 2016*).

MWENYEKITI WA KAMATI YA KUDUMU YA BUNGE YA ARDHI, MALIASILI NA UTALII:

Taarifa ya Kamati ya Kudumu ya Bunge ya Ardhi, Maliasili na Utalii kuhusu Shughuli za Kamati kwa mwaka 2017.

MWENYEKITI WA KAMATI YA KUDUMU YA BUNGE YA KILIMO, MIFUGO NA MAJI:

Taarifa ya Kamati ya Kudumu ya Bunge ya Kilimo, Mifugo na Maji kuhusu Shughuli za Kamati kwa mwaka 2017.

III. MASWALI:

OFISI YA RAIS (TAMISEMI):

69. MHESHIMIWA JASSON SAMSON RWEIKIZA (BUKOB A VIJIJINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Maeneo mengi ya Bukoba Vijijini kama vile Kata za Ruhunga, Kibirizi, Izimbya, Mugajwale, Rukoma, Kikomelo na nyingine yana shida kubwa sana ya upatikanaji wa maji; na kilio hiki kimekuwa cha muda mrefu sana:-

Je, ni kwa nini Serikali haichukui hatua ya kuwasaidia Wanachi hao.

70. MHESHIMIWA AUGUSTINO MANYANDA MASELE (MBOGWE):

Atamuuliza Mheshimiwa Waziri wa Nchi, Ofisi ya Rais (TAMISEMI):- Ni Sera ya Taifa ya kuwa na Vituo vya Afya kwa kila Kata, na Wananchi katika baadhi ya Kata wamejitahidi kujenga majengo kwa ajili ya Vituo hivyo hadi kufikia usawa wa renta kwa nguvu zao:-

- (a) Je, Serikali iko tayari kutoa fedha kwa ajili ya kukamilisha majengo ya Vituo vya Afya vya Ikobe, Ilolangulu, Kagera na Bukandwe;

(b) Je, Serikali ina mpango gani wa kuongeza Watumishi wa Afya Wilayani Mbogwe.

71. MHESHIMIWA LUCY SIMON MAGERELI (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Matatizo ya migogoro ya ardhi na Mipango Miji ni suala nyeti sana linalohitaji kutazamwa sana katika zama hizi; na hivi karibuni Waziri wa Ardhi, Nyumba na Maendeleo ya Makazi aligawa ramani za maeneo ya mitaa ya Jiji la Dar es Salaam lakini zoezi hilo halikufanikiwa kutokana na kukosa mkakati ulioambatana na matumizi ya ramani hizo:-

(a) Je, Serikali ina mpango gani wa kuhakikisha ramani hizo zinapatikana kwa nchi nzima ili kusaidia kuongoza matumizi ya ardhi katika miji mingi nchini;

(b) Waziri Mkuu aliyepita Mhe. Mizengo Pinda alisema Serikali ingeuza *Government Bond* ili kupata fedha za kugharamia mradi huo; Je, agizo hili limefikia hatua gani katika utekelezaji.

OFISI YA MAKAMU WA RAIS (MUUNGANO NA MAZINGIRA):

72. MHESHIMIWA NAJMA MURTAZA GIGA (VITI MAALUM):

Atamuuliza Mheshimiwa Waziri wa Nchi, Ofisi ya Makamu wa Rais (Muungano na Mazingira):- Kwa muda mrefu sasa Serikali zetu zote mbili zimekuwa kwenye jitihada za kukabiliana na kero za Muungano:-

(a) Je, Serikali inawaambia nini Wananchi wa Zanzibar kuhusu ushiriki wa Wizara zisizo za Muungano za Zanzibar kwenye Taasisi za Kimataifa zinazotambua utaifa wa nchi katika uwakilishi wake;

(b) Je, Serikali inapata ugumu gani kuwafahamisha Wananchi kwa uwazi kabisa kila kero za Muungano zinapopatiwa ufumbuzi.

WIZARA YA NISHATI:

73. MHESHIMIWA ALLAN JOSEPH KIULA (IRAMBA MASHARIKI):

Atamuuliza Mheshimiwa Waziri wa Nishati:- Wilaya ya Mkalama ina shida kubwa ya Nishati ya Umeme licha ya mpango wa REA II na REA III kuwepo nchi nzima:-

(a) Je, ni lini miradi iliyokuwa chini ya REA II itakamilika baada ya kutelekezwa katika Kata ya Ibega, Mwangeza na Mpambala;

(b) Je, ni lini REA III itanza Mkalama hasa ikizingatiwa Mikoa yote imepata wakandarasi.

WIZARA YA KATIBA NA SHERIA:

74. MHESHIMIWA JUMA KOMBO HAMAD (WINGWI):

Atamuuliza Mheshimiwa Waziri wa Katiba na Sheria:- Kumekuwa na mgongano mkubwa wa Katiba kati ya Katiba ya Jamhuri ya Muungano wa Tanzania na Katiba ya Zanzibar unaosababisha ongezeko la kero za Muungano na mgongano wa kimamlaka baina ya Serikali mbili:-

Je, ni lini Serikali ya Muungano italeta mapendekezo ya mabadiliko ya Katiba ili kuondoa changamoto zilizomo ndani ya Katiba hizo.

75. MHESHIMIWA MARY PIUS CHATANDA (KOROGWE MJINI):

Atamuuliza Mheshimiwa Waziri wa Katiba na Sheria:- Mahakimu na Watumishi wa Mahakama hawajapandishwa vyeo kwa muda mrefu na hata wanaobahatika kupandishwa hawabadilishiwi mishahara:-

- (a) Je, ni lini Serikali itaifanyia kazi tatizo hilo;
- (b) Kwa kuwa Wanasheria wengine hupewa House Allowance, Je, kwa nini hawa nao wasipewe kama sehemu ya motisha lakini pia wapewe *extra duty allowance*.

WIZARA YA AFYA, MAENDELEO YA JAMII, JINSIA, WAZEE NA WATOTO:

76. MHESHIMIWA PROSPER JOSEPH MBENA (MOROGORO KUSINI):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:-

- (a) Je, kwa nini Serikali haina utaratibu wa kuwachukua wagonjwa wa akili wanaorandaranda barabarani na mitaani na kuwapeleka kwenye Hospitali za wagonjwa wa akili kupatiwa matibabu;
- (b) Je, Serikali inafahamu idadi ya wagonjwa wa akili waliopo barabarani na mitaani kwenye Wilaya za nchi yetu ambao wanahitaji huduma ya matibabu na inatoa maelekezo gani kwa Waganga Wakuu wa Wilaya kuhusu kuwahudumia wagonjwa hao.

**77. MHESHIMIWA FAIDA MOHAMMED BAKAR
(VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:-

Je, ni lini Benki ya Wanawake Tanzania itaanzisha Tawi lake Zanzibar kwa madhumuni ya kuwapatia huduma za kibenki na mikopo yenye riba nafuu kwa ajili ya kuwainua kiuchumi Wajasiriamali Wanawake wa Zanzibar.

**78. MHESHIMIWA SUSAN ANSELIM LYIMO
(VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Makazi ya wazee yapo katika hali mbaya sana pamoja na kuhojiwa Bungeni kwa muda mrefu sana:-

(a) Je, Serikali inawaeleza nini wazee hao walioshiriki katika ukombozi wa nchi hii;

(b) Je, ni lini makazi haya pamoja na miundombinu itaboreshwa?

WIZARA YA MALIASILI NA UTALII:

79. MHESHIMIWA JAMES FRANCIS MBATIA (VUNJO):

Atamuuliza Mheshimiwa Waziri wa Maliasili na Utalii:-

- (a) Je, kwa kipindi cha miaka 10 iliyopita Mlima Kilimanjaro umeliingizia Taifa mapato ya fedha kiasi gani kwa njia ya utalii;
- (b) Je, ni asilimia ngapi ya mapato hayo yametumika kuweka miundombinu endelevu ya kuuhifadhi Mlima huo;
- (c) Je, ni asilimia ngapi ya mapato hayo yametumika katika dhana nzima ya ujirani mwema katika kutoa huduma zinazokuza utu wa Wananchi wanaozungukwa na Mlima huo.

80. MHESHIMIWA ORAN MANASE NJENZA (MBEYA VIJIJINI):

Atamuuliza Mheshimiwa Waziri wa Maliasili na Utalii:- Kuna mgogoro wa muda mrefu wa ardhi kati ya TANAPA na Wananchi wa Kata za Ilungu, Igoma na Ulenje, na Wananchi walikuwa tayari kuachia ardhi yao kwa ajili ya upanuzi wa Hifadhi

ya TANAPA lakini Serikali imeshindwa kuwalipa Wananchi hao fidia:-

(a) Je, ni lini Serikali itafanya tathmini mpya ya fidia kwa Wananchi wa Ilungu, Igoma na Ulenje;

(b) Kama Serikali imeshindwa kulipa fidia; Je, ni lini italirudisha eneo hilo kwa Wananchi wa Kata hizo.

WIZARA YA VIWANDA, BIASHARA NA UWEKEZAJI:

81. MHESHIMIWA JANET ZEBEDAYO MBENE (ILEJE):

Atamuuliza Mheshimiwa Waziri wa Viwanda, Biashara na Uwekezaji:- Serikali imetenga maeneo kadhaa kwa ajili ya uwekezaji nchi nzima:-

Je, ni lini Serikali itatafuta fedha za kutosha kuweka miundombinu muhimu katika maeneo hayo ili kuvutia uwekezaji.

82. MHESHIMIWA INNOCENT SEBBA BILAKWATE (KYERWA):

Atamuuliza Mheshimiwa Waziri wa Viwanda, Biashara na Uwekezaji:-

Je, Serikali ina mpango gani wa kukamilisha ujenzi wa masoko ya Kimataifa ya Nkwenda na Murongo ambayo yamekaa miaka mingi bila kukamilishwa wakati yangekamilishwa yangewapatia soko la uhakika Wananchi wa Kyerwa na Mkoa mzima wa Kagera.

WIZARA YA MAJI NA UMWAGILIAJI:

83. MHESHIMIWA SHABANI OMARI SHEKILINDI (LUSHOTO):

Atamuuliza Mheshimiwa Waziri wa Maji na Umwagiliaji:- Jimbo la Lushoto linakabiliwa na changamoto ya ukosefu wa maji hususan katika maeneo ya Umiri, Makanya, Kwemashai, Gare, Mlola, Mbwei, Malibwi na Kilole:-

Je, ni lini Serikali itawapatia Wananchi hao maji safi na salama ili waondokane na adha hiyo.


IV. HOJA ZA KAMATI:

MWENYEKITI WA KAMATI YA KUDUMU YA BUNGE YA ARDHI, MALIASILI NA UTALII:

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Ardhi, Maliasili na Utalii kuhusu Shughuli za Kamati kwa Mwaka 2017.

MWENYEKITI WA KAMATI YA KUDUMU YA BUNGE YA KILIMO, MIFUGO NA MAJI:

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Kilimo, Mifugo na Maji kuhusu Shughuli za Kamati kwa Mwaka 2017.



**DODOMA
06 FEBRUARI, 2018**

**S.N. KAGAIGAI
KATIBU WA BUNGE**